

primjenjuje se i u slučajevima kada ih pribavlja predlagač, bez učešća Stručne službe Skupštine.

Član 11

(Lektorisanje i upućivanje nacrt propisa u proceduru usvajanja)

- (1) Nacrt propisa se nakon pribavljanja budžetske analize i potrebnih mišljenja lektoriše na jezike u službenoj upotrebi.
- (2) Nakon lektorisanja predlagač upućuje nacrt propisa u proceduru usvajanja, u skladu s Poslovníkom.

Član 12

(Procedura za propis koji je povučen)

- (1) Predlagač propisa ima pravo da povuče nacrt propisa prije početka ili u toku rasprave.
- (2) Predlagač propisa odlučuje u koju fazu izrade se vraća propis nakon povlačenja, zavisno od razloga zbog kojih je propis povučen.

DIO TREĆI - IZRADA PODZAKONSKIH AKATA

Član 13

(Izrada podzakonskih akata)

Podzakonske akte predviđene usvojenim propisom izrađuje i donosi nadležni organ, u rokovima koji su određeni tim propisom.

DIO ČETVRTI - PRIJELAZNE I ZAVRŠNE ODREDBE

Član 14

(Primjena Poslovníka)

Za sva pitanja koja nisu regulisana ovom odlukom primjenjivat će se odredbe Poslovníka.

Član 15

(Stupanje na snagu)

Ova odluka stupa na snagu danom donošenja i objavit će se u Službenom glasniku Brčko distrikta BiH.

Broj: 01-02-589/12

Brčko, 10. 7. 2012. godine

PREDsjedNIK
SKUPŠTINE BRČKO DISTRIKTA BiH
Esad Atić, s.r.

248

Na osnovu člana 22 Statuta Brčko distrikta BiH – prečišćeni tekst (Službeni glasnik Brčko distrikta BiH, broj 2/10), člana 9 Zakona o eksproprijaciji nekretnina u Brčko distriktu BiH (Službeni glasnik Brčko distrikta BiH, brojevi 26/04, 19/07, 2/08, 19/10 i 15/11), člana 64 Poslovníka o radu Skupštine Brčko distrikta BiH (Službeni glasnik Brčko distrikta BiH, brojevi 17/08 i 20/10) i Prijedloga odluke gradonačelnika broj: 22-002112/11 od 29. 5. 2012. godine, Skupština Brčko distrikta BiH na 69. redovnoj sjednici održanoj 10. jula 2012. godine, donosi

ODLUKU

O UTVRĐIVANJU JAVNOG INTERESA

Član 1

Utvrđuje se da je od javnog interesa za Brčko distrikt BiH izgradnja dijela planiranog kraka ulice Rizaha Štetića u stambenom naselju „Kolobara“, na zemljištu označenom kao katastarske parcele broj: 755/2 KO Brčko 1 i katastarske parcele broj: 724/2 (4/67), 725/3 (4/185), 719/8 (4/181) KO Brčko 1, prema Rješenju o lokacijskim uslovima i grafičkom izvodu iz Regulacionog plana dijela stambenog naselja Kolobara II, broj: UP-I-22-001479/11 od 20. septembra 2011. godine.

Član 2

Korisnik eksproprijacije nekretnina iz člana 1 ove odluke je Brčko distrikt BiH.

Član 3

Nadležno odjeljenje Vlade Brčko distrikta BiH može provesti postupak eksproprijacije nekretnina za izgradnju dijela planiranog kraka ulice Rizaha Štetića u stambenom naselju „Kolobara“.

Član 4

Ova odluka stupa na snagu danom donošenja i bit će objavljena u Službenom glasniku Brčko distrikta BiH.

Broj: 01-02 -590/12

Brčko, 10. 7. 2012. godine

PREDsjedNIK
SKUPŠTINE BRČKO DISTRIKTA BiH
Esad Atić, s.r.

249

Na osnovu člana 22 Statuta Brčko distrikta BiH – prečišćeni tekst (Službeni glasnik Brčko distrikta BiH, broj 2/10), člana 64 Poslovníka o radu Skupštine Brčko distrikta BiH (Službeni glasnik Brčko distrikta BiH, brojevi 17/08 i 20/10), Skupština Brčko distrikta BiH, na 69. redovnoj sjednici održanoj 10. jula 2012. godine, donosi

ODLUKU

O USVAJANJU IZVODA IZ ZAPISNIKA SA 66. REDOVNE SJEDNICE SKUPŠTINE BRČKO DISTRIKTA BiH

Član 1

Usvaja se Izvod iz zapisnika sa 66. redovne sjednice Skupštine Brčko distrikta BiH, bez primjedbi.

Član 2

Ova odluka stupa na snagu danom donošenja i bit će objavljena u Službenom glasniku Brčko distrikta BiH.

Broj: 01-02-583/12

Brčko, 10. 7. 2012. godine

PREDsjedNIK
SKUPŠTINE BRČKO DISTRIKTA BiH
Esad Atić, s.r.

250

Na osnovu člana 52. Statuta Brčko distrikta Bosne i Hercegovine – prečišćeni tekst („Službeni glasnik Brčko distrikta BiH“, broj 2/10), člana 10. i člana 11. stava (3) Zakona Vladi Brčko distrikta BiH („Službeni glasnik Brčko distrikta BiH“, brojevi: 19/07, 36/07, 38/07, 2/08, 17/08, 23/08 i 14/10) i člana 44a. stav (2) Zakona o eksproprijaciji nekretnina u Brčko distriktu Bosne i Hercegovine („Službeni glasnik Brčko distrikta BiH“, brojevi: 26/04, 19/07, 2/08, 19/10 i 15/11), a na Prijedlog Direkcije za finansije Brčko distrikta BiH, broj: 02-04.1-52/12 od 21. maja 2012. godine Vlada Brčko distrikta BiH, na 138. redovnoj sjednici održanoj 13. juna 2012. godine, d o n o s i

PRAVILNIK

O NAČINU UTVRĐIVANJA IZNOSA NAKNADE U POSTUPKU EKSPROPRIJACIJE NEKRETNINA

DIO PRVI – OPĆE ODREDBE

Član 1.

(Predmet)

Ovim pravilnikom reguliše se način utvrđivanja: tržišne vrijednosti nekretnina, naknade za usjeve i plodove, naknade za ustanovljenje služnosti, naknade za ustanovljenje zakupa, naknade za obavljanje pripremnih radnji i naknade za privremeno uzimanje u posjed zemljišta u postupku eksproprijacije nekretnina.

Član 2. (Definicije)

Pojedini izrazi upotrijebljeni u ovom pravilniku imaju sljedeće značenje:

- a) „**nekretnina**“ je čestica zemljine površine, zajedno sa svim onim što je na zemljištu trajno spojeno na površini ili ispod nje, pravo građenja, zgrade i drugi građevinski objekti;
- b) „**eksproprijacija**“ je oduzimanje ili ograničenje stvarnih prava na nekretninama, u javnom interesu Distrikta, uz naknadu koja ne može biti veća od tržišne vrijednosti nekretnine;
- c) „**tržišna vrijednost nekretnine**“ je vrijednost nekretnine utvrđena kroz procjenu na osnovu uslova na tržištu;
- d) „**građevina**“ je sve što je nastalo građenjem i povezano je sa tlom, a sastoji se od građevinskog sklopa ili građevinskog sklopa i ugrađenog postrojenja, odnosno opreme, a koji zajedno čine tehničko-tehnološku cjelinu, kao i samostalna postrojenja povezana sa tlom, te objekti povezani sa tlom koji nisu nastali građenjem, ako se njima mijenja način korištenja prostora.

DIO DRUGI - NAČIN UTVRĐIVANJA IZNOSA NAKNADE U POSTUPKU EKSPROPRIJACIJE NEKRETNINA

Član 3. (Tržišna vrijednost zemljišta)

Tržna vrijednost građevinskog, poljoprivrednog i šumskog zemljišta utvrđuje se na osnovu podataka Direkcije za finansije Brčko distrikta Bosne i Hercegovine, Fiskalnog registra nekretnina (u daljnjem tekstu: Fiskalni registar nekretnina Distrikta).

Član 4. (Tržišna vrijednost građevine)

- (1) Tržišna vrijednost građevina utvrđuje se na osnovu podataka iz Fiskalnog registra nekretnina Distrikta.
- (2) Tržišnu vrijednost građevina za koje se ne vode podaci u Fiskalnom registru nekretnina Distrikta utvrđuje Komisija iz člana 13. ovog pravilnika.

Član 5. (Naknada za voćna stabla, vinovu lozu i tehničko drvo)

- (1) Naknada za voćna stabla i vinovu lozu koja se nalazi u stadiju davanja plodova utvrđuje se u visini čistog prihoda tog stabla, odnosno loze za onoliko godina koliko je potrebno za podizanje te vrste voćnog stabla, odnosno loze i njegov razvoj do stadija davanja plodova.
- (2) Naknada za voćna stabla i vinovu lozu koja nisu počela davati plodove utvrđuje se u visini troškova potrebnih za nabavku, sađenje i uzgoj takvih sadnica.
- (3) Ukoliko raniji vlasnik posjeđena stabla ne zadržava za sebe, pored naknade iz stava (1) i (2) ovog člana, utvrđuje se i naknada za tehničko drvo na način kako je to ovim pravilnikom propisano za utvrđivanje naknade za šumsko drvo.

Član 6. (Naknada za drvnu masu)

Naknada za drvnu masu, odnosno zreli ili približno zreli šumu, utvrđuje se na osnovu vrijednosti drveta u šumi na panju utvrđenoj u skladu s odlukom o cjenovniku šumskih drvnih sortimenata za šume na području Distrikta i Pravilnikom o vrsti štete i načinu utvrđivanja naknade pričinjene štete u šumi na području Distrikta.

Član 7. (Naknada za šumske kulture koje nisu dostigle tehničku zrelost)

- (1) Naknada za mlade sadnice utvrđuje se u visini naknade stvarnih troškova nabavke sadnica, sađenja i uzgoja.
- (2) Naknada za ostala starija stabla utvrđuje se u visini naknade za drvnu masu utvrđenu na način propisan u članu 6. ovog pravilnika, uvećanu za vrijednost prirasta izgubljenog zbog prijevremene sječe.

Član 8. (Naknada za usjeve i plodove)

Naknada za nesabrane usjeve i neskupljene plodove utvrđuje se u iznosu koji se sastoji od vrijednosti usjeva i plodova koji bi sazreli za žetvu ili berbu uz odbitak potrebnih troškova koje bi prijašnji vlasnik, posjednik ili nosilac prava građenja eksproprisanog zemljišta imao do žetve ili berbe.

Član 9. (Naknada za ustanovljenje služnosti)

Naknada za ustanovljenje služnosti utvrđuje se u iznosu za koji je usljed ustanovljene služnosti umanjena tržišna vrijednost nekretnine.

Član 10. (Naknada za ustanovljenje zakupa)

Naknada za ustanovljenje zakupa utvrđuje se u visini zakupnine koja se postiže na tržištu.

Član 11. (Naknada za obavljanje pripremnih radnji)

Naknada za obavljanje pripremnih radnji utvrđuje se u skladu s članom 10. ovog pravilnika.

Član 12. (Naknada za privremeno uzimanje u posjed zemljišta)

Naknada za privremeno uzimanje u posjed zemljišta utvrđuje se u skladu s članom 10. ovog pravilnika.

Član 13. (Komisija za utvrđivanje iznosa naknade u postupku ekspropriacije nekretnina)

- (1) Komisiju za utvrđivanje iznosa naknade u postupku ekspropriacije nekretnina (u daljnjem tekstu: Komisija) u slučajevima kada nema podataka u Fiskalnom registru nekretnina Distrikta, u skladu s ovim pravilnikom, imenuje gradonačelnik na prijedlog direktora Direkcije za finansije Brčko distrikta BiH (u daljnjem tekstu: Direkcija), na period od dvije godine.
- (2) Komisija se sastoji od:
 - a) predsjednika;
 - b) zamjenika predsjednika;
 - c) 14 članova, od kojih su četiri diplomirana inženjera građevinske struke ili diplomirana inženjera arhitekture, četiri diplomirana inženjera poljoprivredne struke, četiri diplomirana inženjera šumarske struke i dva geometra.
- (3) Za predsjednika i zamjenika predsjednika Komisije imenuju se službenici u Direkciji, a za članove Komisije imenuju se službenici u organima javne uprave Distrikta.
- (4) Članovi Komisije predlažu se sa liste stručnih lica.
- (5) Lista iz stava (4) ovog člana utvrđuje se na osnovu podataka koje, na zahtjev direktora Direkcije, dostavljaju rukovodioci organa javne uprave Distrikta.

Član 14. (Utvrđivanje iznosa naknade)

- (1) Iznos naknade u postupku ekspropriacije utvrđuje se za svaki pojedinačni slučaj.
- (2) Predsjednik, odnosno zamjenik predsjednika Komisije određuje najmanje dva člana Komisije iz člana 13. stav (2) tačka c) ovog pravilnika čije stručne kvalifikacije odgovaraju potrebama svakog pojedinačnog slučaja.

DIO TREĆI – PRELAZNE I ZAVRŠNE ODREDBE

Član 15. (Prelazne odredbe)

Započeti postupci utvrđivanja iznosa naknade u postupku ekspropriacije nekretnina, koji nisu okončani do dana stupanja na snagu ovog pravilnika, okončat će se u skladu sa propisom koji je bio na snazi u vrijeme pokretanja postupka.

Član 16. (Stupanje na snagu)

Ovaj pravilnik stupa na snagu osmog dana od dana objavljivanja u „Službenom glasniku Brčko distrikta Bosne i Hercegovine“.

Broj predmeta: 02-000379/12
Broj akta: 01.11-0575SL-01/12
Datum, 13.6.2012. godine
Mjesto, Brčko

GRADONAČELNIK
dr. sci. Miroslav Gavrić, s.r.

251

Na osnovu člana 52. Statuta Brčko Distrikta Bosne i Hercegovine – prečišćeni tekst („Službeni glasnik Brčko Distrikta BiH“, broj 2/10) i člana 10. i člana 11. stav (2) Zakona o Vladi Brčko Distrikta Bosne i Hercegovine („Službeni glasnik Brčko Distrikta BiH“, brojevi: 19/07, 36/07, 38/07, 2/08, 17/08, 23/08 i 14/10), a u vezi s obavezama koje proističu iz Ugovora o energetske zajednici Jugoistočne Evrope u BiH, na prijedlog Odjeljenja za prostorno planiranje i imovinsko-pravne poslove, broj: 05-001785/11 od 17. februara 2012. godine, nakon provedene rasprave Vlada Brčko Distrikta BiH, na 130. redovnoj sjednici održanoj 20. marta 2012. godine, d o n o s i

O D L U K U O IMENOVANJU ODBORA ZA ENERGETSKU UČINKOVITOST

Član 1.

Imenuje se Odbor za energetske učinkovitost Vlade Brčko Distrikta BiH, u sastavu:

1. Svjetlana Čivčić, predsjednica,
2. Pero Gudeljčević, član,
3. Ermin Džindić, član,
4. Miodrag Peranović, član,
5. Andrea Kovačević, član,
6. dr. Senahid Ibrišimović, član,
7. Osman Osmanović, član,
8. Safet Rizvanović, član,
9. Milan Ljubojević, član,
10. Nenad Radojković, član,
11. Ishak Abdurahmanović, član,
12. Mirza Drpljanin, član,
13. Siniša Jovanović, član.

Član 2.

Zadatak Odbora je da koordinira projekte iz oblasti energetske efikasnosti, te predlaže Vladi Brčko Distrikta BiH preduzimanje mjera iz oblasti energetske efikasnosti.

Član 3.

Ova odluka stupa na snagu danom donošenja i bit će objavljena u „Službenom glasniku Brčko Distrikta BiH“.

Broj predmeta: 05-001785/11
Broj akta: 01.3-0613SL-08/12
Datum, 20.3.2012. godine
Mjesto, Brčko

GRADONAČELNIK
dr. sci. Miroslav Gavrić, s.r.

252

Na osnovu člana 52. Statuta Brčko distrikta Bosne i Hercegovine – prečišćeni tekst („Službeni glasnik Brčko distrikta BiH“, broj 2/10) i člana 11. stav (2) Zakona o Vladi Brčko distrikta Bosne i Hercegovine („Službeni glasnik Brčko distrikta BiH“, brojevi: 19/07, 36/07, 38/07, 2/08, 17/08, 23/08 i 14/10), a na Prijedlog Ureda gradonačelnika /Sektora za reformu i evropske integracije, broj: 16-000006/12 od 27. 3. 2012. godine, Vlada Brčko distrikta BiH, na 133. redovnoj sjednici BiH održanoj 17. i 18. aprila 2012. godine, d o n o s i

O D L U K U

O DAVANJU SAGLASNOSTI NA REGIONALNE PROJEKTE KOJI BI SE TREBALI FINANSIRATI IZ SREDSTAVA INVESTICIONOG OKVIRA ZA ZAPADNI BALKAN (WBIF)

Član 1.

Vlada Brčko distrikta BiH daje saglasnost na četiri regionalna projekta koji bi se trebali finansirati iz sredstava Investicionog okvira za Zapadni Balkan (WBIF) i to:

1. Uspostavljanje regionalnog programa za energetske efikasnost u Zapadnom Balkanu (*Establishment of a regional Energy Efficiency Programme for the Western Balkans*),
2. Regionalna studija – Pristup konzorcija u razvoju Inicijative „The Gas of Power“ i gasnog prstena u Jugoistočnoj Evropi koju podržava Energetska zajednica (*Regional Study – Consortium approach to developing the Gas to Power Initiative and the Energy Community (EnC) Gas Ring in South East Europe*),
3. Jačanje glavne hrvatske rute sjever-jug omogućavajući novi interkonekcijski razvoj (*Strengthening of main Croatian transmission North-South axis enabling new interconnection development*),
4. Uspostavljanje WB ELENA (Program pomoći Evropska lokalna energija) za Zapadni Balkan (*Establishment of WB ELENA (European Local Energy Assistance) for Western Balkans*).

Član 2.

Ova odluka stupa na snagu danom donošenja i objavljuje se u „Službenom glasniku Brčko distrikta BiH“.

Broj predmeta: 16-000006/12
Broj akta: 01.11-0575SL-02/12
Datum, 22.5.2012. godine
Mjesto, Brčko

GRADONAČELNIK
dr. sci. Miroslav Gavrić, s.r.

253

Na osnovu člana 52. Statuta Brčko distrikta Bosne i Hercegovine – prečišćeni tekst („Službeni glasnik Brčko distrikta BiH“ broj 2/10), člana 10. i člana 11. stav (2) Zakona o Vladi Brčko distrikta BiH („Službeni glasnik Brčko distrikta BiH“, brojevi: 19/07, 36/07, 38/07, 2/08, 17/08, 23/08 i 14/10), člana 146. stav (3) Zakona o policijskim službenicima Brčko distrikta BiH („Službeni glasnik Brčko distrikta BiH“, brojevi: 41/07, 4/08 i 39/09) i člana 2. Odluke o uspostavljanju Policijskog odbora, broj: 02-0001061/11 od 27. 4. 2011. godine, a na Prijedlog Odjeljenja za stručne i administrativne poslove, Pododjeljenja za ljudske resurse, broj: 05-000466/12 od 16. 5. 2012. godine, Vlada Brčko distrikta BiH, na 135. redovnoj sjednici održanoj 17. maja 2012. godine, d o n o s i

O D L U K U O RAZRJEŠENJU I IMENOVANJU ČLANA POLICIJSKOG ODBORA IZ REDA DRŽAVNIH SLUŽBENIKA

Član 1.

Vesna Tomić, razrješava se dužnosti člana Policijskog odbora Policije Brčko distrikta BiH iz reda državnih službenika.

Član 2.

Sandra Grgić-Ivanović imenuje se za člana Policijskog odbora Policije Brčko distrikta BiH iz reda državnih službenika, na period do isteka mandata Policijskog odbora, uspostavljenog Odlukom Vlade Brčko distrikta BiH, broj: 02-0001061/11 od 27. 4. 2011. godine.

Član 3.

Ova odluka stupa na snagu danom donošenja i bit će objavljena u „Službenom glasniku Brčko distrikta BiH“.

Broj predmeta: 05-000466/12
Broj akta: 01.11-0575SL-05/12
Datum, 18.5.2012. godine
Mjesto, Brčko

GRADONAČELNIK
dr. sci. Miroslav Gavrić, s.r.